



S. Ambrosius, S. Gregorius, S. Augustinus, et ponens iuram in casile eius. 68. x. x. x. S. Basiliscus, S. Cyrillus, S. Joen, S. Crisostomus.

Commune Confessoris Pontificis.

IN I. VESPERIS.

Cecce sacerdos magnus, * qui in diebus suis placuit Deo, et inventus est justus. **Psalmi de Comm. Apost. [2]**

2. Non est inventus * similis illi, qui conservaret legem Excelsi.

3. Ideo jurejurando * fecit illum Dominus crescere in plebem suam.

4. Sacerdotes Dei * benedicite Dominum : servi Domini hymnum dicite Deo, alleluia.

5. Serve bone * et fidelis, intra in gaudium Domini tui.

Capitulum. Eccli. xlv. c

Cecce sacerdos magnus, qui in diebus suis placuit Deo, et inventus est ju-

stus : et in tempore iracundiae factus est reconciliatio.

Hymnus.

Iste Confessor Domini, colentes

Quem pie laudant populi per orbem :

Hac die laetus meruit beatas

Scandere sedes.

Si non est dies obitus, quod indicant in Proprio Sanctorum litterae m. t. v. (mutatur tertius versus) dicatur.

Hac die laetus meruit supermos

Laudis honores.

Qui pius, prudens, humilis, pudicus,

Sobriam duxit sine labe vitam,

Donec humanos animavit aurae

Spiritus artus.

Cujus ob praestans meritum frequenter,

Aegra quae passim jacueret, membra

Viribus morbi domitis, saluti

Restituuntur.

Noster hinc illi chorus obsequentem

Concinit laudem, celebrésque palmas;

Ut piis ejus precibus juvenetur

Omne per aevum.

Sit salus illi, decus, atque virtus,

Qui super caeli solio coruscans,

Totius mundi seriem gubernat

Trinus, et unus.

Amen.

N. Amavit eum Dominus, et ornavit eum. **R.** Stulam gloriae induit eum.

Ad Magnif. Aña. Sacerdos et Pontifex, * et virtutum opifex, pastor bone in populo, ora pro nobis Dominum.

Oratio.

DA quaesumus omnipotens Deus : ut beati **N.** Confessoris tui atque Pontificis veneranda solemnitas, et devotio-

nobis augeat et salutem. Per Dominum.

Alia Oratio.

EXaudi quaesumus Domine preces nostras, quas in beati **N.** Confessoris tui atque Pontificis solemnitate deferimus : et qui tibi digne meruit famulari, ejus intercedentibus meritis ab omnibus nos absolvet peccatis. Per Dominum.

Pro Doctore in utrisque Vesp. ad Magnif. Aña. O Doctor optime, Ecclesiae sanctae lumen, beate **N.** divinae legis amator, deprecare pro nobis Filium Dei.

Oratio.

DEus, qui populo tuo aeternae salutis beatum **N.** ministrum tribuisti : praesta quaesumus, ut quem Doctorem vitae habuimus in terris, intercessorem habere mereamur in caelis. Per Dominum.

AD MATUTINUM.

Invitat. Regem Confessorum Dominum, * Venite adoramus. **Ps.** Venite. 2.

Hymnus. Iste Confessor. **ut supra. [70]**

In I. Nocturno.

Aña. Beatus vir, * qui in lege Domini meditatur : voluntas ejus permanet

die ac nocte, et ómnia quæcúmque fáciat, semper prosperabúntur.

Psalmus j.

Eátus vir, qui non ábiit in consílio impiórum, et in via peccatórum non stetit, * et in cáthedra pestilentiae non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non defluet : * et ómnia quæcúmque fáciat prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in iudício : * neque peccatóres in concílio justórum.

Quóniam novit Dóminus viam justórum : * et iter impiórum períbit.

Añá. Beátus vir, qui in lege Dómini meditátur : volúntas ejus pórmanet die ac nocte, et ómnia quæcúmque fáciat, semper prosperabúntur.

Añá. Beátus iste sanctus, * qui confisus est in Dómino, prædicávit præcéptum Dñi, constitútus est in monte sancto ejus.

Psalmus ij.

Quare fremuérunt Gentes, * et pópuli meditatáti sunt inánia?

Astiterunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis irridebit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi Gentes hereditátem tuam, * et possessiónem tuam términos terræ.

Reges eos in virga férrea, * et tamquam vas figuli confrínges eos.

Et nunc reges intelligi-

te : * erudímini qui iudicátis terram.

Servíte Dómino in timóre : * et exultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exársert in brevi ira ejus, * beáti omnes, qui confidunt in eo.

Añá. Beátus iste sanctus, qui confisus est in Dómino, prædicávit præcéptum Dómini, constitútus est in monte sancto ejus.

Añá. Tu es glória mea, * tu es susceptor meus Dómine : tu exáltans caput meum, et exaudísti me de monte sancto tuo.

Psalmus iij.

Domine quid multiplicáti sunt qui tribulant me? * multi insúrgunt advérsum me.

Multi dicunt animæ meæ : * Non est salus ipsi in Deo ejus.

Tu autem Dómine susceptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto tuo.

Ego dormívi, et soporásum : * et exsurrexi, quia Dóminus suscepit me.

Non timébo millia pópuli circumdántis me : * exsúrge Dómine, salvum me fac Deus meus.

Quóniam tu percussísti omnes advérsantes mihi sine causa : * dentes peccatórum contrivísti.

Dómini est salus : * et super pópulum tuum benedictio tua.

Añá. Tu es glória mea, tu es susceptor meus Dómine : tu exáltans caput meum, et exaudísti me de monte sancto tuo.

V. Amávit eum Dóminus, et ornávit eum. **R.** Stolam glóriæ induit eum.

Pater noster. **Absol.** Exáudi Dómine. **V.** Jube domne. **Benedictio.** Benedictióne perpétua.

De Epístola prima beáti Pauli Apóstoli ad Timótheum.

Lectio j.**Cap. iij.**

Idelis sermo : Si quis episcopátum desíderat, bonum opus desíderat. Opórtet ergo Episcopum irreprehensibilem esse, unius uxóris virum, sóbrium, prudentem, ornátum, pudicum, hospitálem, doctórem, non vinoléntum, non percussórem, sed modéstum : non litigiósum, non

cupidum, sed suae domui bene praepositum : filios habentem subditos cum omni castitate. Si quis autem domui suae praeesse nescit, quomodo Ecclesiae Dei diligentiam habebit? Non neophytum : ne in superbiam elatus, in iudicium incidat diaboli. Oportet autem illum et testimonium habere bonum ab iis qui foris sunt, ut non in opprobrium incidat, et in laqueum diaboli.

R. Euge serve bone et fidelis, quia in pauca fuisti fidelis, supra multa te constituam : * Intra in gaudium Domini tui. **V.** Domine quinque talenta tradidisti mihi, ecce alia quinque superlucratum sum. — Intra.

Bened. Unigenitus Dei.
De Epistola ad Titum.

Lectio ij. **Cap. j. b.**
Oportet enim Episcopum sine crimine esse, sicut Dei dispensatorem : non superbum, non iracundum, non violentum, non percussorem, non turpis lucri cupidum : sed hospitalem, benignum, sobrium, justum, sanctum, continentem, amplectentem eum, qui secundum doctrinam est, fidem

sermonem : ut potens sit exhortari in doctrina sana, et eos, qui contradicunt, arguere. Sunt enim multi etiam inobedientes, vaniloqui, et seductores : maxime qui de circumcissione sunt : quos oportet redargui : qui universas domos subvertunt, docentes quae non oportet, turpis lucri gratia.

R. Ecce sacerdos magnus, qui in diebus suis placuit Deo : * Ideo iurando fecit illum Dominus crescere in plebem suam. **V.** Benedictionem omnium gentium dedit illi, et testamentum suum confirmavit super caput ejus. — Ideo.

Bened. Spiritus sancti gratia.

Lectio iij. **Cap. ij.**

TU autem loquere quae decent sanam doctrinam : Senes ut sobrii sint, pudici, prudentes, sani in fide, in dilectione, in patientia : Anus similiter in habitu sancto, non criminatrices, non multo vino servientes, bene docentes : ut prudentiam doceant adolescentulas, ut viros suos ament, filios suos diligant, prudentes, castas, sobrias, domus cu-

ram habentes, benignas, subditas viris suis, ut non blasphemetur verbum Dei. Juvenes similiter hortare ut sobrii sint. In omnibus te ipsum praebere exemplum bonorum operum, in doctrina, in integritate, in gravitate, verbum sanum, irreprehensibile : ut is, qui ex adverso est, vereatur, nihil habens malum dicere de nobis.

R. Juravit Dominus, et non poenitebit eum : * Tu es sacerdos in aeternum secundum ordinem Melchisedech. **V.** Dixit Dominus Domino meo, Sede a dextris meis. — Tu es sacerdos. **Gloria Patri.** Tu es sacerdos.

In II. Nocturno.

Añã. Invocantem * exaudivit Dominus sanctum suum, Dominus exaudivit eum, et constituit eum in pace.

Psalmus iv.

QUM invocarem exaudivit me Deus iustitiae meae : * in tribulatione dilatasti mihi. Miserere mei, * et exaudi orationem meam.

Filii hominum usquequo gravi corde? * ut quid diligitis vanitatem, et quare ritis mendacium?

Et scitote quoniam mirificavit Dominus sanctum suum : * Dominus exaudiet me, cum clamavero ad eum.

Irascimini, et nolite peccare : * quae dicitis in cordibus vestris, in cubilibus vestris compungimini.

Sacrificate sacrificium iustitiae, et sperate in Domino. * Multi dicunt : Quis ostendit nobis bona?

Signatum est super nos lumen vultus tui Domine. * dedisti laetitiam in corde meo.

A fructu frumenti, vini, et olei sui * multiplicati sunt.

In pace in idipsum * dormiam, et requiescam ;

Quoniam tu Domine singulariter in spe * constituisti me.

Añã. Invocantem exaudivit Dominus sanctum suum, Dominus exaudivit eum, et constituit eum in pace.

Añã. Laetentur omnes, * qui sperant in te Domine : quoniam tu benedixisti iusto, scuto bonae voluntatis tuae coronasti eum.

Psalmus v.

Verba mea auribus percipe Domine, * intellige clamorem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine mane exáudies vocem meam.

Mane astábo tibi et vídebo : * quóniam non Deus volens iniquitátem tu es.

Neque habitábit iuxta te malignus : * neque permanébunt injústi ante oculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multítudine misericórdiæ tuæ.

Introíbo in domum tuam : * adorábo ad templum sanctum tuum in timóre tuo.

Dómine deduc me in iustítia tua : * propter inimícos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum mul-

titúdinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Añã. Læténtur omnes, qui sperant in te Dómine : quóniam tu benedixísti iusto, scuto bonæ voluntátis tuæ coronásti eum.

Añã. Dómine Dñus noster, * quam admirábile est nomen tuum in univérsta terra! quia glória et honóre coronásti sanctum tuum, et constituísti eum super ópera mánuum tuárum.

Psalmus vijj.

Domine Dóminus noster, * quam admirábile est nomen tuum in univérsta terra!

Quóniam eleváta est magnificéntia tua, * super cælos.

Ex ore infántium et lacténtium perfecísti laudem propter inimícos

tuos, * ut déstruas inimícum et ultórem.

Quóniam vídebo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo mínus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsta terra!

Añã. Dómine Dóminus noster, quam admirábile est nomen tuum in univérsta terra! quia glória et honóre coronásti sanctum tuum, et constituísti eum super ópera mánuum tuárum.

℣. Elégit eum Dóminus sacerdotem sibi. **℟.** Ad sacrificándum ei hóstiam laudis.

Pater noster. **Absol.** Ip-

síus pietas. **℣.** Jube domine. **Bened.** Deus Pater omnipotens.

Sermo sancti Máximi Episcopi.

Homilia lix. quæ est ij. de S. Eusebio Vercell.

Lectio ib.

AD sancti ac beatissimi patris nostri

N. cuius hódie festa celebrámus, laudes addidisse áliquid, decerpisse est : síquidem virtutum ejus grátia non sermónibus exponénda est, sed opéribus comprobánda. Cum enim dicat Scriptúra : Glória patris est filius sápiens : quantæ hujus sunt glóriæ, qui tantórum filiórum sapiéntia, et devotióne lætátur? In Christo enim Jesu per Evangélium ipse nos génuít.

℟. Invéni David servum meum, óleo sancto meo unxi eum : * Manus enim mea auxiliábitur ei. **℣.** Nihil proficiet inimicus in eo, et filius iniquitátis non nocébit ei. — Manus.

Bened. Christus perpétuæ.

Lectio v.

Quidquid igitur in hac sancta plebe potest esse virtútis et grátia, de

hoc quasi quodam fonte lucidissimo, omnium rivulorum puritas emanavit. Etenim quia castitatis pollebat vigore, quia abstinentiæ gloriabatur angustiis, quia blandimentis erat præditus lenitatis, omnium civium in Deum provocavit affectum: quia Pontificis administratione fulgebat, plures e discipulis reliquit sui sacerdotii successores.

R. Posui adiutorium super potentem, et exaltavi electum de plebe mea: * Manus enim mea auxiliabitur ei. **R.** Inveni David servum meum, oleo sancto meo unxi eum. — Manus.

Bened. Ignem sui amoris.

Lectio vij.

Bene et congrue in hac die, quam nobis beati patris nostri **N.** ad paradysum transitus exsultabilem reddit, præsentis Psalmi versiculum decantavimus: In memoria æterna erit justus. Digne enim in memoriam vertitur hominum, qui ad gaudium transiit Angelorum. Dicit sermo divinus: Ne laudes hominem in vita sua: tamquam si diceret:

Lauda post vitam, magnifica post consummationem. Duplici enim ex causa utilius est hominum magis memoriæ laudem dare, quam vitæ; ut illo potissimum tempore merita sanctitatis extollas, quando nec laudantem adulatio movet, nec laudatum tentet elatio.

R. Iste est qui ante Deum magnas virtutes operatus est, et omnis terra doctrina ejus repléta est: * Ipse intercédât pro peccatis omnium populorum. **R.** Iste est qui contempsit vitam mundi, et pervénit ad cœlestia regna. — Ipse. Gloria Patri. Ipse.

In III. Nocturno.

Añã. Dómine, * iste sanctus habitabit in tabernaculo tuo, operatus est justitiam, requiescet in monte sancto tuo.

Psalmus rlv.

Domine quis habitabit in tabernaculo tuo? * aut quis requiescet in monte sancto tuo?

Qui ingréditur sine macula, * et operatur justitiam:

Qui loquitur veritatem in corde suo, * qui non egit dolum in lingua sua:

Nec fecit próximo suo malum, * et opprobrium non accepit adversus próximos suos.

Ad nihilum deductus est in conspectu ejus malignus: * timéntes autem Dóminum glorificat:

Qui jurat próximo suo, et non decipit, * qui pecuniam suam non dedit ad usuram, et múnera super innocentem non accepit:

Qui facit hæc, * non movebitur in ætérnum.

Añã. Dómine, iste sanctus habitabit in tabernaculo tuo, operatus est justitiam, requiescet in monte sancto tuo.

Añã. Vitam petiit * a te, et tribuisti ei Dómine: glóriam et magnum decorem imposuisti super eum: posuisti in capite ejus coronam de lapide pretioso.

Psalmus rj.

Domine in virtute tua lætabitur rex: * et super salutare tuum exsultabit vehementer.

Desiderium cordis ejus tribuisti ei: * et voluntate labiorum ejus non fraudasti eum.

Quóniam prævenisti eum in benedictionibus dulcedinis: * posuisti in capite

ejus coronam de lapide pretioso.

Vitam petiit a te: * et tribuisti ei longitudinem dierum in sæculum, et in sæculum sæculi.

Magna est gloria ejus in salutari tuo: * glóriam et magnum decorem impones super eum.

Quóniam dabis eum in benedictionem in sæculum sæculi: * lætificabis eum in gaudio cum vultu tuo.

Quóniam rex sperat in Dómino: * et in misericordia Altissimi non commovebitur.

Inveniatur manus tua omnibus inimicis tuis: * dextera tua inveniat omnes, qui te odérunt.

Pones eos ut clibanum ignis in tempore vultus tui: * Dóminus in ira sua conturbabit eos, et devorabit eos ignis.

Fructum eorum de terra perdes: * et semen eorum a filiis hominum.

Quóniam declinaverunt in te mala: * cogitaverunt consilia, quæ non poterunt stabilire.

Quóniam pones eos dorsum: * in reliquiis tuis præparabis vultum eorum.

Exaltare Dómine in virtute tua : * cantábitur et psallémur virtutes tuas.

Añã. Vitam petiit a te, et tribuisti ei Dómine : glóriam et magnum decorem imposuisti super eum : posuisti in capite ejus coronam de lapide pretioso.

Añã. Hic accipiet * benedictionem a Dómino, et misericordiam a Deo salutari suo : quia hæc est generatio quærentium Dóminum.

Psalmus cxxij.

Domini est terra, et plenitudo ejus : * orbis terrarum, et universi qui habitant in eo.

Quia ipse super maria fundavit eum : * et super flumina præparavit eum.

Quis ascendet in montem Dómini? * aut quis stabit in loco sancto ejus?

Innocens manibus, et mundo corde, * qui non accepit in vano animam suam, nec juravit in dolo próximo suo.

Hic accipiet benedictionem a Dómino : * et misericordiam a Deo salutari suo.

Hæc est generatio quærentium eum, * quærentium faciem Dei Jacob.

Attollite portas principes vestras, et elevamini portæ æternales : * et introibit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attollite portas principes vestras, et elevamini portæ æternales : * et introibit Rex glóriæ.

Quis est iste Rex glóriæ? * Dóminus virtutum ipse est Rex glóriæ.

Añã. Hic accipiet benedictionem a Dómino, et misericordiam a Deo salutari suo : quia hæc est generatio quærentium Dóminum.

℟. Tu es sacerdos in æternum. **℞.** Secundum ordinem Melchisedech.

Pater noster. **Absolutio.** A vinculis. **℟.** Jube domine. **Benedictio.** Evangelica lectio.

Lectio sancti Evangelii secundum Matthæum.

Lectio vij. Cap. xxv. b

In illo tempore : Dixit Jesus discipulis suis parabolam hanc : Homo peregre proficiscens, vocavit servos suos, et tradidit illis bona sua. Et reliqua.

Homilia sancti Gregorii Papæ.

Homilia ix. in Evangelia.

Lectio sancti Evangelii, fratres carissimi, sollicitè considerare nos admonet, ne nos, qui plus ceteris in hoc mundo accepisse aliquid cernimur ab Auctore mundi, gravius inde judicemur. Cum enim augentur dona, rationes etiam crescunt donorum. Tanto ergo esse humilior, atque ad serviendum Deo promptior quisque debet ex munere, quanto se obligatiorem esse conspicit in reddenda ratione. Ecce homo, qui peregre proficiscitur, servos suos vocat, eisque ad negotium talenta partitur. Post multum vero temporis positurus rationem revertitur. Bene operantes pro apportato lucro remunerat, servum vero a bono opere torpentem damnat. **℟.** Amavit eum Dominus, et ornavit eum : stolam glóriæ induit eum, * Et ad portas paradisi coronavit eum. **℟.** Induit eum Dominus lorica fidei, et ornavit eum. — Et ad portas.

Bened. Cujus festum colimus.

Lectio vij.

Quis itaque iste homo est, qui peregre proficiscitur, nisi Redemptor noster, qui in ea carne quam assumpsit, abiit in cælum? Carnis enim locus proprius terra est, quæ quasi ad peregrina ducitur, dum per Redemptorem nostrum in cælo collocatur. Sed homo iste peregre proficiscens servis suis bona sua tradidit, quia fidelibus suis spiritualia dona concessit. Et uni quidem quinque talenta, alii duo, alii vero commisit unum. Quinque etenim sunt corporis sensus : videlicet, visus, auditus, gustus, odoratus, et tactus. Quinque ergo talentis, donum quinque sensuum, id est, exteriorum scientia exprimitur. Duobus vero, intellectus et operatio designatur. Unius autem talenti nomine, intellectus tantummodo designatur.

℟. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis. **℟.** Vigilate ergo, quia nescitis qua hora Dó-

minus vester ventúrssit.
— Et vos. **Glória Patri.**
Et vos.

Pro Doctore. **R.** In
medio Ecclésiæ aperuit os
ejus, * Et implévit eum
Dóminus spíritu sapiéntiæ
et intelléctus. **V.** Jucundi-
tatem et exsultationem
thesaurizávit super eum.
— Et implévit. **Glória Pa-**
tri. Et implévit.

Bened. Ad societátem.

Lectio ix.

SED is, qui quinque ta-
lenta accéperat, alia
quinque lucrátus est: quia
sunt nonnulli, qui etsi in-
térna ac mystica penetrá-
re nésciunt, pro intentióne
tamen supérnæ pátriæ do-
cent recta quos possunt,
de ipsis exterióribus, quæ
accepérunt, duplum talén-
tum portant: dumque se
a carnis petulántia, et a
terrenárum rerum ámbi-
tu, atque a visibílium vo-
luptáte custódiunt, ab his
étiam alios admonéndo
compéscunt. Et sunt non-
nulli, qui, quasi duóbus
taléntis ditáti, intelléctum
atque operatióne percí-
piunt, subtília de intéris
intélligunt, mira in exte-
rióribus operántur. Cum-
que et intelligéndo, et ope-
rándo aliis prædicant,

quasi duplicátum de ne-
gótio lucrum repórtant.
Te Deum. 18.

AD LAUDES,

et per Horas, Añæ.

1. Ecce sacerdos ma-
gnus, * qui in diébus suis
plácuit Deo, et invéntus
est justus.

Psalm. Dóminus regná-
vit. **cum reliquis.** 19.

2. Non est invéntus * sí-
milis illi, qui conserváret
legem Excélsi.

3. Ideo jurejurádo * fe-
cit illum Dóminus créscere
in plebem suam.

4. Sacerdótes Dei * bene-
dicite Dóminum: servi
Dómini hymnum dicite
Deo, allelúia.

5. Serve bone * et fidéls,
intra in gáudium Dñi tui.

Capitulum. **Eccli. xlv. c**

ECce sacerdos magnus,
qui in diébus suis
plácuit Deo, et invéntus
est justus: et in témpore
iracúndiæ factus est re-
conciliátió.

Hymnus.

Jesu Redémptor óm-
nium,
Perpes coróna Præsulum
In hac die cleméntius
Indúlgeas precántibus.

Tui sacri qua nóminis
Conféssor almus cláruit:

Hujus celebrat ánnua
Devóta plebs solémnia.
Qui rite mundi gáudia
Hujus cadúca réspuens,
Æternitátis præmio
Potítur inter Angelos.
Hujus benignus ánnue
Nobis sequi vestigia:
Hujus precátu sérvulis
Dimitte noxam criminis.
Sit Christe Rex piíssime
Tibi, Patrique glória,
Cum Spíritu Paráclito,
Nunc, et per omne sæcu-
lum. Amen.

V. Justum dedúxit Dómi-
nus per vias rectas. **R.** Et
osténdit illi regnum Dei.

Ad Bened. Añæ. Euge
serve bone * et fidéls, quia
in pauca fuísti fidéls, su-
pra multa te constítuam,
dicit Dóminus.

Oratio.

DA quæsumus omni-
potens Deus: ut beá-
ti **N.** Conféssoris tui atque
Pontificis veneránda so-
lémnitas, et devotióne
nobis áugeat et salútem.
Per Dóminum.

Alia Oratio.

EXáudi quæsumus Dó-
mine preces nostras,
quas in beáti **N.** Conféssó-
ris tui atque Pontificis so-
lémnitáte deférimus: et
qui tibi digne mérui famulári,
ejus intercedéti-

bus méritis ab ómnibus
nos absólve peccátis. Per
Dóminum.

Pro Doctore. Oratio.

DEus, qui pópulo tuo
ætérnæ salútis beá-
tum **N.** ministrum tribuí-
sti: præsta quæsumus, ut
quem Doctórem vitæ ha-
búimus in terris, interces-
sórem habere mereámur
in cœlis. Per Dóminum.

AD TERTIAM.

Añæ. Non est invéntus.

Capitul. Ecce sacerdos.
ut supra ad Laudes.

R. br. Amávit eum Dó-
minus, * Et ornávit eum.
Amávit. **V.** Stulam glóriæ
índuit eum. Et ornávit.
Glória Patri. Amávit.

V. Elégit eum Dñus sacer-
dótem sibi. **R.** Ad sacrifi-
cándum ei hóstiám laudis.

AD SEXTAM.

Añæ. Ideo jurejurádo.

Capitulum. **Eccli. xlv. c**
NON est invéntus sími-
lis illi, qui conservá-
ret legem Excélsi: ideo
jurejurádo fecit illum Dó-
minus créscere in plebem
suam.

R. br. Elégit eum Dómi-
nus, * Sacerdótem sibi.
Elégit. **V.** Ad sacrificán-
dum ei hóstiám laudis.
Sacerdótem. **Glória Patri.**
Elégit.

✠. Tu es sacerdos in aeternum. ✠. Secundum ordinem Melchisedech.

AD NONAM.

Añā. Serve bone.

Capitulum. Eccli. xlv. c

Fungi sacerdotio, et habere laudem in nomine ipsius, et offerre illi incensum dignum in odorem suavitatis.

✠. br. Tu es sacerdos, * in aeternum. Tu es. ✠. Secundum ordinem Melchisedech. In aeternum. Gloria Patri. Tu es.

✠. Justum deduxit Dominus per vias rectas. ✠. Et ostendit illi regnum Dei.

IN II. VESPERIS.

Añā ut in Laudibus. [82]
Psalmi ut in j. Vesperis de Communi Apostol. [2] et loco ultimi

Psalmus crrrj.

Memento Domine David, * et omnis mansuetudinis ejus :

Sicut juravit Domino, * votum vovit Deo Jacob :

Si introiero in tabernaculum domus meae, * si ascendero in lectum strati mei :

Si dederero somnum oculis meis, * et palpebris meis dormitationem :

Et requiem temporibus meis : donec inveniam lo-

cum Domino, * tabernaculum Deo Jacob.

Ecce audivimus eam in Ephrata : * invenimus eam in campis silvae.

Introibimus in tabernaculum ejus : * adorabimus in loco, ubi steterunt pedes ejus.

Surge Domine in requiem tuam, * tu et arca sanctificationis tuae.

Sacerdotes tui induantur justitiam : * et sancti tui exsultent.

Propter David servum tuum, * non avertas faciem Christi tui.

Juravit Dominus David veritatem, et non frustrabitur eam : * de fructu ventris tui ponam super sedem tuam.

Si custodierint filii tui testamentum meum, * et testimonia mea haec, quae docebo eos :

Et filii eorum usque in saeculum, * sedebunt super sedem tuam.

Quoniam elegit Dominus Sion : * elegit eam in habitationem sibi.

Haec requies mea in saeculum saeculi : * hic habitabo quoniam elogi eam.

Vidua ejus benedicens benedicam : * pauperes ejus saturabo panibus.

Sacerdotes ejus induam salutari : * et sancti ejus exsultatione exsultabunt. Illuc producam cornu David, * paravi lucernam Christo meo.

Inimicos ejus induam confusione : * super ipsum autem efflorabit sanctificatio mea.

Añā. Serve bone et fidelis, intra in gaudium Domini tui.

Capitulum. Eccli. xlv. c

Scce sacerdos magnus, qui in diebus suis placuit Deo, et inventus est justus : et in tempore iracundiae factus est reconciliatio.

Hymnus.

Iste Confessor Domini, colentes Quem pie laudant populi per orbem : Hac die laetus meruit beatas

Scandere sedes.

Si non est dies obitus, quod indicant in Proprio Sanctorum litterae m. t. v. (mutatur tertius Versus) dicatur.

Hac die laetus meruit supermos

Laudis honores.

Qui pius, prudens, humilis, pudicus,

Sobriam duxit sine labe vitam,

Donec humanos animavit aurae

Spiritus artus.

Cujus ob praestans meritum frequenter,

Aegra quae passim jacueret, membra

Viribus morbi domitis, saluti

Restituuntur.

Noster hinc illi chorus obsequentem

Concinat laudem, celebrisque palmas ;

Ut piis ejus precibus juvemur

Omne per aevum.

Sit salus illi, decus, atque virtus,

Qui super caeli solio coruscans,

Totius mundi seriem gubernat

Trinus, et unus.

Amen.

✠. Justum deduxit Dominus per vias rectas.

✠. Et ostendit illi regnum Dei.

Ad Magnif. Añā. Amavit eum Dominus, * et ornavit eum : stolam gloriae induit eum, et ad portas paradisi coronavit eum.

Sequens Añā dicitur ad Magnificat in ij. Vesp. pro solis summis Pontificibus.